

古蹟二

汪曰楨撰

南潯鎮志七

琴堂 在南柵華氏小桃源園中其地瑩然有聲故名

致覺堂 在南柵廣惠橋西明張鉞所築

清美堂 在東柵馬家港卽朱國禎少師第廳事今圯按堂

額爲董其昌書後朱佑明購去懸諸其家佑明居南柵陶家街南西連白鵬兜正廳曰正明堂今爲董氏世德堂東廳曰尊樂堂今爲董氏壽俊堂西廳卽清美堂佑明籍沒後圯其屋移建杭州敷文書院而堂額亦毀

紀遠清美堂看梅寂歷蕭齋畫杜門探梅聊復此閒行南宗句法推和靖舊相風流憶廣平昔日捲簾通乳燕今朝掩卷聽流鶯春深無復閒題詠綠野堂前感慨并

志七 古蹟二

一

高暉堂 在南柵新開河明董斯張董說父子所居

紀官集高暉堂何必停雲遠寄詞寓公萍集慰相思無分主客揮毫健自有門庭覓句奇文出定然評繡虎詩成不俟聽黃鸝飲同避暑人休訝取友親師却在茲

董蠡舟潯溪棹歌高暉堂北漲拖藍興福橋西是借

庵不見苦吟瘦居士雙雙檣燕訴靜獻齋存草有高暉堂前

燕詩

漆鏡堂 在高暉堂旁董斯張所築得唐時漆鏡因名

張鑑潯溪棹歌漆鏡堂前落葉稀夢華潭口夕陽微

漏霜樂府誰能續無賴芻尼接翅飛

董若雨家築漆鏡堂屋上常有

靈鵲人以是異之

雁影堂 在豐草庵中

明董說八月離補船村題雁影堂西壁西風寄語碧

菰蒲休把忘情罪野夫秋水已題茅屋牖夕陽待補

板橋圖危樓此去看霜雁破艇重來熟浪鳧珍重溪

光自矜惜洞庭兩點一村孤

水堂 在報國寺中亦稱溪堂亦稱水軒今無攷

明董說秋夜水堂卽事履聲歷歷緩可數燈影蒼蒼

光一圍夜深人在竹窗語蟋蟀滿廊同補衣

志七 古蹟二

二

又此山禪師見訪報國水堂之作病未裁荅展周氏

雙節圖慨然歎詠卽和前韻鷓鴣聽雨擬相尋病懶

依然槁木林

丙戌易姓林有槁木林印

錄到雪舟驚髮白

本師堯封老人

有雪舟集皆乙酉省親歸里時雜著秋寓報國初編餘錄九月望晨起新見白髮

織成蒲履

又秋深雙松一卷孝兼節名畫聯珠吳與欽

去賢氏八幅遠

遊氏六幅 況讀非齋老翁跋夜長銷得水堂吟

歲寒堂 在塔院中

楊鳳聲塔院歲寒堂題壁最喜僧扉闢幽尋且破顏

吳鞵穿市曲佛屋枕溪灣竹色兼秋淨禽聲八定閒

翛翛禪味逸已覺隔塵寰 尚有高人跡畱題牘榜

楣

黃九煙嘗寓此歲寒堂楹其書也

千秋歸夢史一笑續湘纍魚服

生前因龍箠墮後悲回谿風月夜酌酒榜船遲

夏爲堂 在東柵馬家港爲寓賢黃周星隱居

渭雲堂 在東柵下塘董氏所築

樂志堂 在東柵皇御河工部侍郎范璨所築恭奉 御

賜松巖樂志匾故名

寶詒堂 在北柵外李家河孫氏所居

袁士達經潯溪過孫電暘村舍話舊茅屋曾無百里

賒爲君雅愛滯歸槎身逢故國猶爲客地較他鄉已

是家西隴稻香肥紫蟹東籬霜冷綻黃花杯深轉覺

志七 古蹟二

三

心添緒分手溪橋月又斜

紀復亨至孫紹武家看牡丹 一棹延緣就牡丹到來

濃豔悵凋殘轉思昨日顛風急知向高臺特地寒斜

曳纖裳愁故苑半欹叢佩倚危欄明年早辦看花眼

醉倒枝頭赤玉盤

夏耀曾丙申春暮寶詒堂孫宅看牡丹 一度尋春一

黯傷素衣愁對百花王驪戎兜率描摹別 先大父詩有驪戎國

內渾無色兜率天 麗日晴風韻格香 先節母詩有紅

笑倚晴風暖 兩世新詩成古蹟廿年舊路認斜陽羨 送香之句

他無恙梁間燕長伴名花話草堂

溪上草堂

明董份築今無攷

或云卽蓮漪草堂

明董份草堂新成適子睿過偶作家住潯溪綠水隈
臨風新築讀書臺應門只有雙黃鶴惟許幽人日往
來

又溪上草堂碧溪深處絕塵喧自汲清流日灌園却
笑漁船長其到不知是否比桃源

蓮漪草堂 在東柵蓮溪上亦稱蓮溪草堂董漢策所居
後歸金氏更名蓮溪書屋

董良弼感懷

有序

予有祖父所遺蓮溪草堂境頗幽靜
予兄弟同居門外古槐如繪前臨方池芙蓉擢秀每

志七

古蹟二

四

于晚風曉月清香撲鼻樂何如之予於己酉自京旋
里已售與他姓海燕來歸舊巢已失付之浩歎而已
多年混迹類魚鹽回味何曾似蜜甜尋壘燕思歸
折棟奪巢鳩喜喚當簷桃花泛水從茲去柳絮隨風
著處黏三徑關心今已矣決疑奚用卜靈籤 門牆
槐蔭似虬松回首何堪歎莫容試到習池終姓易難
歸趙璧本才庸兄酬弟勸豪情洽月下燈前絮語偶
昔景依然空涉想碧荷香散露華濃

金大鯤蓮溪書屋先大父讀書處也長夏小憩慨然

有作門外藕花香門內書聲起鄰媪爲余言宵深猶

如此誰是繩武人而忘三味旨 吳江兩周公兩清華先

生 茗水一凌子備人於茲結文壇相與討詩史荏苒

百年間雙桂猶存耳

西芳草堂 在東柵洗粉兜姚景燾所居

趙氏溪樓 在西柵務前明趙金趙雋祖孫所居

明董份秋日過宴心山樓上幸有王孫宅甯無東郭

游融尊賴常滿陳轄判須投高閣景難暝疎林色易

秋小山饒桂樹自是得淹留

明王叔承赴蓮池宏上人講筵輒同宋宗獻僧行恣

過訪趙長文溪樓卽事齋餘尋勝侶塵市卽滄洲少

志七 古蹟二

喜千秋業貧嫌七貴游野航蓮社約村醕藥錢留滿
眼驅田舍那堪百尺樓

和雲樓 明董份館李樂于此今無攷

太清樓 在大宗伯第西明董嗣昕讀書處

抱冬樓 在南柵廣惠橋西明張光治讀書處

曉寒樓 在豐草庵中董說夢至石樓有七字篆牌云七

十二峯生曉寒因名

聽雨樓 在豐草庵西

且住樓 在蓮溪上閔南仲廨居

董師植沁園春閔耐庵自豫章歸新僦小樓顏曰且

住賦歌索和倚韻荅之魯國苗裔膠西孫子在雁行
間但軒渠遐舉英風蔽月蕭閒自好落魄深山君且
幽居我能乘興掉臂遊行把釣竿晴簾外任江魚潛
躍舞鶴盤桓無心斜倚東闌看幾點飛花且放顏
怪吟肩高聳神寒骨瘦霜巖徒步暮去朝還白晝攤
錢良宵釀飲風雨飄搖不揜關蓮溪上有綠荷紅芰
儘可言歡

霏青樓 在南柵廣惠橋東董思讀書處

倚鶴樓 在藤語軒南

影山樓 在白雪齋中董漢策所築樓前有影山徑

志七 古蹟二

六

董漢策影山徑

此地無山而余性喜山甚以雲爲山
玩其橫側峯嶺號爲影山故徑曰影

山徑樓曰
影山樓

冰闌斜倚月牆角白雲虛磴幻通天室風

清埽石居迴轅無俗客送橘有剡書澄日景何盡烟

巒得自如 又影山樓似有如無天半嶺非耶是耶

雲中人高懸帳裏夢鄉印輕移空中屋樓春芙蓉仙

闕雨餘失麟鳳奇峯曉色新坐攬千山萬山趣歷遊

洲島且休論

夕佳樓 董漢策館張道岸于此今無攷

張道岸潯上夕佳樓奉贈秋江道兄

有序

吾友楊子天

益菰中雋士也身兼三絕風度藹然置之晉人中當

與阮嵇稱伯仲一日晤眉仙席次請更字于余余曰
仰挹清範秋江其可乎問何義而曰君不見江自巫
峽來其流遠矣水至秋而澄其氣深矣深且遠非山
水之最勝乎況君以秋水爲神涵虛澹宕舍此共安
所取耶爰賦短章以推雅尚云 楊子凌雲器超然
不可疎清風融物累真氣八黃初木落山容見波平
帆影徐坦懷歌爾汝靜對若憑虛 辛亥三月七十
二峯樵張道岸懸渡時年已四百二十甲子矣

九宜樓 在蓮漪草堂西董爝讀書處

董漢策九宜樓卽事萬言薄有縹囊恨一劍當空日

志七

古蹟二

七

影寒雨過殘燈供夜讀清宵常抱陣圖看 宜風宜
雪更宜秋酒送清歡月挂愁窗裏吟聲飛綠玉人間
卽此采真遊

董燠九宜樓雜詠舊插五株柳今栽百本桑尚堪供
嘯詠春草滿池塘 書積高連屋春深綠滿庭上階
鋪碧蘚昨夜雨冥冥 元龍樓百尺貞白閣三層臥
起浮雲盡南山見一棱 疎竹漏初日高松聚晚風
地偏無客擾抱膝故書中

董調元九宜樓晚眺環繞有洄溪層樓聳岸西槐陰
歸鳥倦暫寄一枝樓

董肇鑽九宜樓白皮松虯姿只合倚天根移種書堂
比德鄰舊物百年思手澤霜皮十丈見龍鱗陰迷羲
魄長疑雨翠挹湖山不爲春莫羨向榮凡草木知君
自抱歲寒眞 又美人峯石石骨偏呈窈窕容巫山
頂上最奇峯天邊蜀道眞難上夢裏襄王豈易逢花
影乍涵紅頰潤苔痕初長綠鬢濃藤蘿莫怪多蒙繞
只恐還飛雲雨蹤

青霞樓 在蓮漪草堂東董燿讀書處

謝洲青霞樓讀書歌爲董經遠賦青霞之樓蓮溪側
董君讀書樓上頭朝朝不待晨曦出一編在手指雙

志七

古蹟二

八

昨夜夜聽盡更漏永孤燈黯淡吟不休時而千花錯
綺繡春光爛漫樓前浮時而奇峯四羅列夏雲萬疊
天邊稠時而皓月到牀前清輝如洗長天秋時而照
案雪三尺寒風凜冽歲已周四時日月任賓送惟有
牙籤萬軸勤鑽搜我因問董君讀書有得不古來四
庫浩烟海滋味只有遺經修務棄瑣碎置不道但使
義理心相謀不然手披目覽徒自苦到頭只作書中
囚董君領此意日向周孔求涵養久愈熟盎盎天機
流忽然長嘯萬籟寂突兀乾坤一小樓

橘香樓 在西芬草堂內姚景熹童時植橘一株越數十

年而碩大繁衍味甚甘美人咸以爲壽徵因顏其樓
百尺樓 一在洗粉兜姚氏園中一在花園街董紹聞園
中又名南樓今並廢

董恂潯溪棹歌溪南舊日好樓臺百尺樓高近已頽

猶有奇峯畱草莽夜深相送月光來

家紹聞園中有百尺樓卽南潯

十景之南樓春曉也又有明月峯

心遠樓 董煜所居今無攷

檜樓 在北柵柵椿橋畔有小樓獨高乃明季里紳董氏
所築登樓施放鳥銃以禦湖盜赤脚張三者

張丹山潯溪棹歌禦災捍患借前籌文武才名第一

志七

古蹟二

九

流烟火萬家資保障柵椿橋畔有檜樓

御書閣 在明義庵中南宋初建藏宋徽宗畫鷹一幅高
宗御書清風明月四字元趙孟頫復題明義庵三字畫
滾馬圖畱此明嘉靖間袁表有御書閣下鷹還在明義
庵中馬尚存之句猶及見二物也康熙中修乾隆十四
年重修

按舊志及府縣志並謂御書及畫鷹乃高宗南渡過此所畱不知高宗從未至潯也

曹大斌募修南潯御書閣小引節錄潯水之南曰南潯

烏程東鄙聚落也有古剎曰明義庵肇自宋英宗治
平間迨高宗南渡駐蹕臨安嘗經于此小憩庵中畱
道君御畫鷹自書清風明月四字而去庵僧建閣供

之因名御書閣庵以閣著而明義之名稍隱及元趙承旨孟頫爲題庵額畫滾馬圖由宋而元而明而迄我皇朝歷年踰六百其閣屢壞屢修久而不廢今年春正月無塵上人詣予告曰閣欹敝日甚不修必廢欲懇四方宰官善信合力而重葺之君其以言先焉時乾隆十四年歲在己巳

張雋御書閣和恭叔武京洞冥遺跡委秋原取次鄰塵逼檻軒何帝曾畱飛白字寺僧虛指畫鷹存因鐘試石從來有借地栽花亦自繁祖謝響然遙集處卽今勝事屬梁園市塵迴合暗郊原暫得登臨意欲

志七

古蹟二

十

軒逖矣不聞南渡事歸然猶見魯靈存誰家甲第經新闢幾處征船數舊繁豐草記成曾見稿可無佳石壯孤園

潘耒御書閣三首

閣在南潯明義庵有宋高宗畫鷹及趙子昂滾馬圖今亡

南遷

草草宋思陵駐舫拈毫尚畫鷹何似鷹揚麾下將掣鞞萬里縱飛騰王孫懷古此逍遙滾馬畱圖紙價高輸與開元老曹霸南薰殿上畫拳毛墨妙銷沈不可攀前賢遺跡尚班班甲第朱門幾遷改長存誰

得似禪關

按詩以鷹爲高宗所畫又與舊志說異

董熄御書閣懷古高樹下斜陽荒江接汪濊岷峩棄御

書閣新晴宿殘靄康王奠南都恭儉人推戴兵迴山
口鎮蹕駐維揚埭相李七十日汪黃三尺喙才勝白
沙棋俄下天長壘同建業扼險塞失計乃避回去聲駕
言幸武林潯陽頓前隊回首京洛塵良岳紛鎔鏃蒼
茫書畫學兵發發長慨繡褱與錦贖那可汗牛背故
簡識去聲太清流離增感槩蒼鷹不解揚風月何足愛
御筆竟零落江介鐵山碎中興倚諸將岳韓凡幾輩
奈何一偏聽不思敵所愾狡獪黃天逃憤懣朱仙逮
奕葉忘國仇甘心金幣載權木侈結構奎藻輝闐闐
但喜天亾金不料元強對玉匣冬青寒荒陵流水裁

志七

古蹟二

十一

去聲損齋書放失天章閣傾廢矧此宣和筆不隨皋亭
潰鶻啼一花落歌咽千珠琲登臨悵遐矚興亾感時
代士誠亦英雄城隍莽安在

董文白御書閣天章淪落角鷹揚古刹名傳宋末亾
梵唱聲中遷歲月爐烟影裏閱滄桑江山半壁歸泥
馬社稷中興跨鳳凰風月佳時禪榻畔居人猶自說
康王

紀復亨御書閣繡毬花誰將月彩鏤玲瓏面面看來
花樣同記取廣場人簇立氣毬爭蹴御街中 春盡
空庭綠蔭遮佛燈爇火鬪新茶文殊結夏獅閒戲滾

落禪房一樹花

曹仁虎潯溪竹枝詞霜鷹一幅道君摹更有王孫滾
馬圖玉躡金題零落盡御書閣閉長青蕪

范鍇潯溪紀事詩南渡興亡那忍論天涯芳草去王
孫丹青一例多零落佛閣森寒晝閉門

秉經閣 在南柵外乍安兜善田張氏宗祠內明初張立
建

紀氏文昌閣 在西柵紀家壩久圮

明董嗣成驟雨夜集紀氏文昌閣時予卽發苕溪矣
高閣憑虛敞平臨四望遙日光含雨脚雲氣抱山腰

志七

古蹟二

十二

曲與龍吟度風隨笛韻飄夜深惆悵別孤枕自寒潮
方熊潯溪竹枝詞鳳皇池畔書莊圮白雁兜旁花墅
空惟有三層樓尚在幾經易主笑春風

雲興閣 在北柵外雲興寺旁董漢策建久圮

蓮閣 在大宗伯第內愛蓮池上董漢策所築後裔孫董
慶槐居之易名芳蓀閣

黃葉臺 在豐草庵中

君子軒 元時姚氏所居今無攷按管道昇畫竹立軸上
有跋云至大二年四月二日吾妹魏國夫人仲姬見訪

於南潯里第燕坐君子軒寫此幅姚管道杲識

按軒疑
在北柵

或謂卽洗粉兜姚氏非也洗粉兜姚氏元季自安吉遷
吳江康熙初始遷潯蓋元時潯中自有姚氏今有南北
兩姚家匯而北柵外地名有姚田姚家兜姚家灘明時
尚有築退庵之高士姚某氏之盛可知其人爲趙子
昂僚壻而其妻亦工翰墨意必風雅好事者子昂有與
直夫姨丈札託其南潯購物未知卽其人否惜載籍無
徵名爵莫攷并仲姬有姊知者亦尠矣又潯溪文獻引
書畫緣名媛元時陳自幼能書適南潯姚氏蓋姚氏之
婦世以書名亦韻事也

臨水軒 在圓通庵中明華士嶠有題壁詩今無攷

醉漚軒 在蓮溪上董漢策所築久圯

董熄次韻鑑平溪上醉漚亭枕碧溪濱冒雨誰來共

墊巾收拾烟雲開倦眼平章花鳥趁閒身柳陰眠水

深遮月竹翠迎風遠笑人正及池塘春草發夢闌得

志七 古蹟二

十三

句不無神

來月軒 在青霞樓旁庭中牡丹一叢花開頗盛

董渭題全夫弟來月軒此身不受俗塵蒙曲檻虛窗

興未窮琴韻微聞緣拂榻茶烟忽亂爲通風日移新

竹搖簾綠蜂帶殘花落硯紅幽境唯吾頻往返高談

常見月如弓

嚴遂成來月軒雅集

軒臨荷花池集者九人董訥夫景純扶搖承餘對颺皆昆弟也

異姓謝文若王翬如及余

開軒月未來荷氣襲寒瀏賢哉東道主

又錢薦魚韭

遠經

于思髯將軍箕踞座之右

文若

尾以短

主簿傴僂循牆走

餘承

長身頰其面

扶搖

白皙濯春柳

如翬

山心厭軒冕

景純

虎氣騰牛斗

對颺年最少年

都講

訥夫時爲經遠館師

鬪分題唱一和者九嶰管雌雄鳴鐘筵大小叩譚紛
脣外焦聽勸耳內吼殷壁鄰里罵觸屏童僕詬日沈
未許歸歸輒挽其肘明日亦復然卯來去以西歡獲
十乘珠愁埽千金帚賦別良獨難歸夢落虛牖夜寒
雁叫羣殘月照魚罨

汪延澤來月軒牡丹

一綫貓睛認舊圖天香裛露染

襟襦月痕正午花尤豔粉本翻新合再摹

巢軒

在東柵下塘董漢策讀書處

董漢策賀新郎癸未甲申兩載在水南巢軒讀書與

志七

古蹟二

十四

友人王元趾陳星隱顧龍隱畢澹鷗顧芷庵相聚甚
樂所著有巢軒詩稿計然子老子注等書淺架藤陰
屋幸窗外蘭松相向伴予幽獨助我論文花共酒晤
對人人如玉碧天新蘸雲爲縠深夜月明誰識我有
苦吟聲當橫吹曲賦垂成飛金粟 觀之不足梅和
竹較文心眾花無色瑤華新沐筆繪函關描畫得文
喜先生含蓄兼霸越强吳蠻觸到今朝書藏花谷鶯
鶯燕燕還能讀千重意芭蕉束

藤語軒

在白雪齋旁

別有軒

在雨蘭谷南

見月軒 在薇林書屋北

容安軒 在南柵且住園南董燠讀書處

得閒軒 在明義庵中

紀遠題學海上人得閒軒二首為訪詩僧屢叩關竹

林風致似居山尋常不識西來意輸爾今朝一味閒

何事焚香只閉關市塵不到即深山從今莫問安

心法不是無心那得閒

漏葉軒 在得閒軒旁

紀官和漏葉詩

月老和尚初上靈巖禪室未整楓落滿肩書漏葉二字學海有詩并刻字

名其室 脊梁豎起草禪堂笑倒庵名先漏霜不是漏霜

志七 古蹟二

十五

還漏葉這回漏洩有春光 滿山木葉自隨風逗漏

茅蓬眼目空驚世文章遮不住丹黃收入墨痕中

愛日軒 在西柵西吊橋西北吳巖所居後歸沈氏道光

中沈登瀛重葺更名深柳讀書堂

思賢齋 在南柵外善田灣元張士諒所居

時習齋 明董庠所居今無攷

泉石齋 在西柵紀家壩明紀廷鉞所居

明袁衷同文衡山過潯畱紀氏泉石齋賞菊秋後菊

逾芳花前席對張綴金紛間色錯錦列成行細蕊朝

承露繁枝夜避霜幸逢投轄主爛醉短籬旁

紀端泉石居所集名賢作長歌以紀其遺事泉石遺
廬二百年庭中列坐盡名賢今日清風白雲裏所聞
往事猶能箋一庵初結峴山社社散來談禪與仙白
華樓下鹿門子一觴一詠兼管絃文章行誼驚海內
吳中名士各駢肩絳衣緋色捲簷帽衡山醉倒竹窗
邊白楊老筆追米芾子傳傳粉薄黃筓二公文氏稱
高足攜來硯席果翩翩風流勝會今已矣門外老樹
色蒼然詩畫還存十之一餘皆零落等飛烟客來指
點舊風景斑斕半壁字嬋娟袁公曾謫苕溪驛春風
一棹寫花前

志七

古蹟二

十六

元覽齋 在大宗伯第內明董嗣成築董廷勛讀書處
白雪齋 在東柵下塘明董嗣成讀書處董漢策重築

明董嗣成小齋初成率爾紀興兼訓方文明李白父
諸丈久厭朝市喧幽栖託蓬門心期仲蔚宅敢擬辟
疆園隙牖青霞八閒除碧樹翻將迎余欲絕枯坐已
忘言 孤蹤希獨往長揖謝人羣故址聊新構空齋
滿白雲山中攀桂樹谷口挹蘭芬復有瑤華在悠然
淨世氛 闕地聊當隱誅茅暫屏蹤開軒數竿竹隱
几一孤松有客題凡鳥無人識臥龍遠公時共語清

夜坐聞鐘

董漢策白雪齋

先光祿讀書處歷年傾圮稍稍葺之兼擴數椽仍舊名者不忘本也先

人有遺構遙傲雪堂名鏡月照皇古冰心入太清曲
終琴解和聽盡竹傳聲對此悅幽素臨軒斐几橫

澹月齋 在洗粉兜華士嶠水部第中

范鍇潯溪紀事詩遺愛松溪善頌皆指陳利弊凜冰
懷歸田不少吟詩興秋掩梧桐澹月齋

靜歛齋 在高暉堂內明董斯張著書處

明董斯張靜歛齋雜詠畫菖蒲是宣廟御筆剡藤埽
微綠龍跡眞軼羣至今九節香還帶空同雲 許君

贈予何首烏植之庭神枕誰相授丹砂餌詎能朝來

志七 古蹟二

十七

欺素髮已種夜交藤 紙糊窗膩粉置窗側衣之高

麗繭短簷風任吹深夜月長展

張雋同王元趾集若雨齋執琰言別聯句爲贈盡說

雲門家可移結巢長恨未能爲 孫淳文非今日三年藥

病是吾儕一字師 雋半幅寒香心在畫殘更舊緒客

畱詩 淳檀梨橘柚雖多味無舌人看總不知 雋鳧

鶴從來不可移盡將好事讓人爲 雋世情老閱方尊

我農譜新翻便得師 淳一笑幸圓懷友夢無端又作

送君詩 雋此宵靜歛停杯意應有蘭亭花露知 淳

西吳一席又將移更有同聲恨爾爲 雋恨王元趾滯西 陳章侯詩

吳 姓氏不忘終我崇文章何苦作人師淳 未橫雪竇

千杖杖非續松陵雜體詩雋 落落此中難舉似半階

寒月或相知淳

范鍇 潯溪紀事詩 文章佛事作同科靜歎齋頭善養

痾憔悴當年瘦居士閉門長日著書多

密齋 在蓮漪草堂後董漢策習靜處

擁默齋 在薇林書屋西

餘素齋 在西柵紀家壩紀官所居

董熄 過紀丈餘素齋時雙目以病而瞽 望衡祇隔一溪清屣

步斜陽畧約橫樂府新聲屬張籍野亭舊史訪邱明

志七古蹟二

十八

撐腸尚有書堪味著眼都無事可驚獨向寶雲尋活
水安瀾不與世途爭

談昔齋 在南柵泰安橋東謝洲所居紀遠館于此

紀遠 紫薇賦序 唐人作牡丹賦有朱槿灰心紫薇屈

膝之語余嘗以為不平戊寅之夏讀書於謝氏之談

昔齋適有紫薇一本當暑盛開乃邀次調同賞因而

賦之

又談 昔庭前疊石為山詩以落之便有林泉興何須

更逼真想從雲際出應與畫家論已覺消煩暑還疑

遠市塵為山非是假託意在斯人

益齋 在大宗伯第內董友松讀書處

古香齋 在大宗伯第內董揚讀書處

青鏤齋 在紀家壩紀汝霖所築

紀汝霖新構小齋卽事小構初成意若何但能容膝

且高歌空憐帝子神鷹杳難覓王孫駿馬過天上金

雞聲久寂池中彩鳳種無多莫言此處無魔障愛慕

牽縈卽是魔

齋東偏卽御書閣後有金雞術鳳皇池俱古蹟

薇林書屋 在蓮漪草堂西九宜樓北董漢策所築後歸

汪氏嘉慶中汪延澤重葺更名五架三間新草堂

董漢策薇林書屋落成有賦

宅西別構數楹顏曰薇林書屋朝夕吟嘯其中

志七 古蹟二

十九

長吟豈復歎知希耐久香林且下幃萬點花飛酣蝶

夢一庭雲臥挂荷衣隨人木偶看嘖笑伴我松圍共

瘠肥仰睇微垣發清慨誰從安樂得先幾

董蠡舟潯溪棹歌蓮漪風皺野塘坳當日徵君此結

茅想見薇林消夏地半池涼月浸花梢

董恂讓庭舅氏營別業于潯溪趙味辛司馬顏之曰

五架三間新草堂作此誌賀五架三間新草堂御河

東畔水雲鄉經營白地功非易卜築青山願竟償曾

是薇林徵士宅旋成竹里右丞莊

地爲先徵君公剛薇林書屋故址

逢燕到吾同賀手寫洪庥作頌章 南簷北戶費籌

量五架三間新草堂餘地儘教多種竹好花更欲別

開莊欄前涼月凝晴雪巢外香風豔海棠堂之南曰晴雪山房

西有海眼看落成吾反媿莫言相宅似王郎 詩軸

琴囊載小航落花時節辦輕裝一家八口舊仙眷五

架三間新草堂位置東山花下席安排北海座中觴

畫圖倘要移居寫合倩荆關擘硬黃 遶門一帶芰

荷塘何必桃花始姓汪前後門俱臨水夏時荷花甚盛居人稱曰荷花池頭小

立夕陽兒下學淺斟明月妾焚香九條七錄古書庫

五架三間新草堂更羨紅閨多韻事女相如亦擅文

章吟氏趙子逸夫人有瀟月軒集來去何煩一葦杭吾廬咫尺恰

志七 古蹟二

相望也如乞墅頻談弈還為探奇屢泛觴同訪古城

思太尉約尋遺碣話康王從今記取高吟處五架三

間新草堂

南窗書屋 在九宜樓旁

董燿題竹隱兄南窗書屋世味年來薄潛身亦自宜

松風涼午夢梅雨戰新詩落拓甯違俗游閒正及時

興來誰會得長嘯對清池 門徑灣環入輪轅未許

通灌栽新事業耕讀舊家風竹韻侵牆角槐陰落座

中南窗堪靜寄掩戶樂何窮

伊蒿書屋 在西柵紀家壩紀復亨所居

紀復亨乙丑冬自秋卿第遷伊蒿書屋四首又向潯
川覓住新相隨家具亦勞薪卜居未要求詹尹近市
何妨作小人藥爲扶衰尋籠貯犬因得食到家馴依
然瓶盎無多子卻帶睢陽舊麴塵 蠨蛸曳網宵寒
蕪酒埽臨時與僕俱燈檠折腰支壁立瓦鐺缺足倩
人扶雨欵半落牆頭粉日計旋謀爨下蘇蠹簡零星
勤捆載世情任喚是迂夫 只分巷後與溪干咫尺
還煩眾力攢姑婦扶攜衝雪至里鄰指點隔牆看酬
人語拙家僮笑取酒囊空賀客寒北里弟昆時見過
繩牀土銼好盤桓 貧家況味久侵淫買宅何當五
志七 古蹟二
二十一

百金馬磨依棲欣促膝雞窗燈火勉同衾蘆簾紙閣
心奢望茗椀詩筒力易任少住那堪猶未得入春征
騎又駸駸

淡竹山房 在少師第中明朱國禎所築
是亦山房 在通津橋陸氏所居

凌樹屏重寓陸氏是亦山房有感苔衣繡檻綠初齊
曲曲閒尋路未迷清供居然鮭廿七故人依舊屋東
西襟懷聊復同沂水 時課童子
六七人 箋注何妨到玉溪一
卷尚書全部論古來不少樹雞棲

又余作是亦山房感舊詩南谷先生見之有前識之

言輒依韻奉荅稱柴數米闌闌風千金累置誇英雄
我輩磊落那須爾不稼往往坐頽宗臨邛移宅空四
壁長卿豈必真愚蒙賣田買書古有是金墳石典富
非窮列竹未看宮八鳳刻牆竟遣齋盤龍君家舊識
良可怪嗟余亦復制圓穹山人頭銜署已久驚視先
上此前櫳是亦山房額本黃九烟書嫁名歐
餘山人方猷遂與余舊號適同古墨淋
漓黃九筆補脣那得落其中固知萬事有前定桑薪
豈敢怨熉烘小詩乘興覺昨非誤煩推論稱愁工塊
磊且澆破悶酒芥蕙不挂吞雲胸婆娑玉樹消永晝
日高尚寐花影重側聞漢王重經術董生勉乎善爲
容蒲車翹待下西蜀士安立起風痺躬此時廣廈構
萬間沾漑寒土零雨濛蟲雞得失誠細事浮雲不合
礙高空

半屏山房 在北柵百間樓張升吉所居

池亭 在泌園中今無攷

明董份池上偶成故里存三徑臨池結數楹柳將波
並綠竹與石俱清杳杳看鴻去嚶嚶聽鳥鳴援琴鼓
流水誰辯曲中聲

又亭上築圃通幽徑憑池架小亭簾虛凝水碧幕敞
映苔青望野雲垂蓋開窗樹列屏倦游非好隱漫擬

少微星

荷亭 在蓮溪西亦名池亭董漢策建後圯嘉慶十一年裔孫荃重建

董志林荷亭小飲同湘人苻菜風微間白蘋柳塘疎雨暗紅鱗門臨溪水窗橫樹且住樓中未是貧

可也亭 在東柵馬家港呂學所居臨池環柳樹花羅石頗饒佳趣今廢或云在北柵葫蘆白場南

雲柯館 在南柵興福橋東明董嗣昂讀書處

明董嗣成過從弟仲頰雲柯館此地疑元閣吾宗爾白眉窗芸循故業庭桂長新枝夜雨供難燭寒風好

志七 古蹟二

二十三

下帷願言崇令德不獨慰幽期

陶館 在薇林書屋左

元元室 在容厂東

雨蘭谷 在容厂西董聞京讀書處

容厂 在藤語軒南

榴龕

在大宗伯第內

按陳寅清著榴龕隨筆蓋嘗館于此

董漢策榴龕詩稿自序節錄 余所居非名山大川不足

恣遊覽遂寄意於草木性復嬾灌蒔凡草木之弱苗枯菀率聽之天歲在己卯余生十有六年矣喜食榴則唾其實居無何則叢生如小歲不察也越半載稍

壯則植者倚者拳曲者相連比如小兒蹴踏走階下
始知其爲榴也稍薙其繁存修榦數本如是者一年
則大者如男子初冠弁小者如髻髻當窗楹間未幾
則虧蔽日影密蔭竹榻益可愛如是者又數年則朱
實纍纍矣余方箕踞日哦其下因題所居曰榴龕然
當其食榴唾實時豈知有今日乎天下功成于不意
道成于偶然類多如此者則余也殆將把酒賦詩淺
歌長嘯拍浮呼榴以爲老友

按舊志有古蹟無園第范志古蹟園
第分兩門今從府志例槩入古蹟

志七

古蹟二

二十四

補遺

潘隱君草堂 元末潘公穎寓居今無攷

明虞堪寄南潯潘隱君草堂湖頭隱居好竹樹日蕭

森對酒花當面焚香鶴在陰青山應似舊歧路只如

今潘令思吾否高情足漫吟

又訪潘公穎潯南隱居去歲途逢歲欲徂今年歲晚

訪潯隅頭顱未老心還一作折世路多艱事屢殊知

子淮南思桂樹愁予劍北問桑株閒情廿載渾依舊

卻笑虞翻走畏途按堪字克用一字勝伯自號玉屏

教授著鼓枻藁一卷一本作虞山人詩三卷鼓枻藁

志七 古蹟二

二十五

上將葬乃父子素翁詩則二本皆作穎字其作公隱

者蓋以隱君隱居等字音相近而致誤也攷潘子素

名純淮南人見敦交集據此詩淮南劍北一聯蓋子

素自淮南徙越公穎自越徙潯也堪先世本蜀人故

有劍北

之句